



Inatsisartunut ilaasortaq
Hans Enoksen, Naleraq

§ 37 naapertorlugu isumaqatigiissutit pillugit apeqqut nr. 214-2022-mut akissut

Brevdato: 29-11-2022
Sagsnr. 2022 - 23737

Asasara Hans Enoksen

17. november 2022-mi § 37 naapertorlugu isumaqatigiissutit pillugit nr. 214-imik Naalakkersuisunut apeqquteqarputit. Apeqqutit uannut akisassanngortinneqarput.

1. Nunatsinni sulisartut SIK malillugu sooruna aningaasarsiasatik tamaasa tiguneq ajoraat?

- a) Ullunut 14-nut 80-tiimit imaluunnit sapaatip akunneranut 40-tiimit qaangiuttoornerminni tiimit sinnersimagunikkut sulinnginnermikkut (Afspadsering) soq aatsaat tigusinnaagaat?

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut:

Pisortat suliassaqarfiani akunnermusiallit aningaasarsiatigut atorfinitsitaanermilu atugassarititai, Namminersorlutik Oqartussat aamma kommunit sinnerlugit, SIK-p, Skatteministeriap aamma Naalakkersuisut akornanni isumaqatigiissuteqarnerisigut aqqjissorneqartarput. Isumaqatigiissummi akunnermusiallit ilinniarsimasut aamma ilinniarsimanngitsut kommunini, Namminersorlutik Oqartussani kiisalu Naalagaaffiup ataani atorfillit ilaapput. Maanna isumaqatigiissut nutaajuvoq 2022-mit 2026-mut atuuttussaalluni. Tamatumunnga allataq suli piariingilaq, siornatigulli isumaqatigiissutaareersoq tunngavigineqarpoq. Tamatumani qaangiuttoornermut akiliinernut imaluunniit qaangiuttoornermut taarsiullugu sulinngiffeqarnernut malittarisassat pillugit ima allaqqavoq¹:

”§ 7 Qaangiuttoornerit aamma qaangiuttoornermut taarsiullugu sulinngiffeqarnerit

Qaangiuttoorneq sapinngisamik pinngitsoorniarneqartassaaq. § 3, imm. 1 naapertorlugu piffissap nalinginnaasumik suliffissap avataatigut peqquneqarluni sulinermit qaangiuttoornertullu nakkutigineqartumut qaangiuttoornerisiasatut/qaangiuttoornermut taarsiullugu sulinngiffeqaatissatut nal.akunneranut akissarsiat akkordernersialluunniit taperneqartassapput. Tapiut nal.akunnerinut tamanut § 4 naapertorlugu nal.akunnermusiap 50%-erivaa.

¹ Maanna isumaqatigiissummi allaqqasut suli piariingimmata, § 7-i akunnermusiallit kingullermik isumaqatigiissutaannit issuarneqarpoq. Aalajangersagarli isumaqatigiissut nutaamut allannguuteqarani ingerlateqqinneqassaaq, tamannami isumaqatiginninninerni naammasseqqammertuni allanngortinneqanngimmat.

Imm. 2. Qaangiuttoornerit sulisup sulisitsisullu isumaqatigiinnerisigut sulinngiffeqaataasinnaapput. Qaangiuttoorneriassaagaluanut taarsiullugu sulinngiffeqarnermi qaangiuttoornermi akissarsiassat 50%-imik ilallugit qaangiuttoorneriassaagaluanut naapertuuttunik sulinngiffeqaataassapput. Sulinngiffeqarnissamut katersukkat nal. akunnerata qaangiuttoorfigisap affaata aallartinneri tamaasa naatsorsorneqartassapput.”

Tamanna isumaqarpoq, qaangiuttoornerit akiliutigineqassanersut imaluunniit taarsiullugu sulinngiffigineqassanersut suliffigisami pisortat nalinginnaasumik pisinnaatitaaffii naapertorlugit aalajangerneqartartut. Pisortaq sulisup qaangiuttoorneranut akiliissalluni imaluunniit taarsiullugu sulinngiffeqartitsissanerluni aalajangiinermi, suliffeqarfiup ingerlanneqarnera aamma aningaasaqarnera isumagisussaavai. Tamatuma saniatigut sulisoq sulinngiffeqassammat aamma eqqissisimaarniassammat, sulisup atugarissaarnera aamma isumagineqartariaqarsinnaavoq. Taamaammat isumaqatigiisummi aalajangersimasumik aaqqissuussinertaqanngilaq. Nalunaaquttap akunnermusialik qaangiuttoornerminut akissarsisimanngippat taava suliffimmi pisortamit kukkusumik aalajangiussaagunarpoq. Namminersorlutillu Oqartussat ilisimanngisaannik aamma kukkusoqarsimasinnaavoq. Taamaammat matumani akissummi malittarisassat sulisitsisut sulisullu malitassai maanna atuuttut kisimik allaaserineqarsinnaapput.

2. Qaangiuttoornerit sooq tamakkiisumik sulisartunut tunniunneqarneq ajorpat?

Apeqqut 1-imut akissut takuuk.

3. Naalackersuisut inuiaqatigiinni suliffeqarfiutigut Piginneqatigiiffiit Selskabet kikkut sulisuminnut taamatut aningaasannornagit qaangiuttoornermik sulisutik sulinngiffeqartillugit aaqqissuussinikuuppat?

Apeqqutip akineqarnissaanut atatillugu Siulittaasup Naalackersuisoqarfiani Siulersuisunut Allatseqarfik ilanngunneqarpoq.

Aktiaateqarluni ingerlatseqatigiiffiit Namminersorlutik Oqartussat ataniittut, soorlu Tusass A/S aamma INI A/S kisimik pisortatigut isumaqatigiisummi § 7-ip atuuffianiippat. Aktiaateqarluni ingerlatseqatigiiffiit taakku nammineq akissarsianut aaqqissuussaqaqarput. Tamanna aamma attuumassuteqannginnissamik periuseq pissutigalugit, aktiaateqarluni ingerlatseqatigiiffiit sulisui qassit qaangiuttoornermi taarsiullugu sulinngiffeqartarnerat ilisimatitsissutigineqarsinnaanngilaq. Tamatuminnnga naatsorsuineq maannakkorpiaamut tunngassaaq, tassami isumaqatigiissut naapertorlugit aalajangiineq pissutsit allanngorartut tunngavigalugit suliffigisami pisarmat. Taamaammat isumaqatigiissut nalinginnaasumik aaqqissuussinerunngilaq aalajangersimasoq.

a) Aamma ilanngullugu paaserusunnarpoq Kommunit, Napparsimaveqarfiit, Paaqqinnittarfiit meeqqanut inersimasunullu, aammalu utoqqaat illuini sulisut, taamatut atugassaqartitaappaat qaangiuttoornitik tigusinnaanagit?

Apeqqummut 1-imut akissummi, qaangiuttoorneq akilerneqassanersoq imaluunniit taarsiullugu sulinngiffiussanersoq suliffigisami pisortanit aalajangerneqartarpoq. Allaatigineqareersutut suliffigisami aalajangiinerit suliffiup ingerlanera, aningaasaqarnera aamma sulisup ataatsip pitsaasumik atugaqarnera naapertorlugit

allanngorarsinnaapput. Taamaammat Namminersorlutik Oqartussanut aamma suliffeqarfiutaanut nalinginnaasumik aaqqissuussineq pineqanngilaq, kisiannili suliffigisami pissutsit allanngorarsinnaasut tunngavigalugit pisortanit aalajangiisernerit pineqarlutik.


Naalakkersuisut suliassaqarfimmi kommunit suliffigisami pingaarnersiuneranut, soorlu qitiusumik allaffissornerni, ulluunerani paaqqinnittarfinni, utoqqaat illuini assigisaaniluunniit paasissutissaateqanngillat. Ilisimatitsissutigineqarsinnaavorli, isumaqatigiissummik peqataasut akornanni akunnermusiallit qaangiuttoornermut akissarsisassannginnissaannik nalinginnaasumik politikeqanngitsoq imaluunniit isumaqartoqanngitsoq.

4. Ukiuni makkunani inuuniarnikkut atukkat eqqarsaatigalugit ineqarnikkut nioqqutissallu akitsoraluttuinnartut taava sooq sulisartut qaangiuttoornermini aningaasannorgolugit tiguisinnaanngitsut eqqarsaatigalugit Naalakkersuisut qanoq iliulersaarpat?

Naalakkersuisut Namminersorlutik Oqartussani sulisunut qaangiuttoornermut ataatsimoortumik akissarsisitsisarnermut pilersaaruteqanngilaq. Akissutaareersuni ersersinneqartutut, isumaqatigiissut tunngavigineqartarpoq suliffigisamilu pisortanit aalajangiineq qaangiuttoornermi akiliisarnermut tunngaviusarluni.

Naalakkersuisut nalinginnaasumik innuttaasut inuunermi atugaannik qularnaarinissaq eqqumaffigilluarpaat. Tamanna Naalakkersuisut suliniummik akinik millisitsisumik upernaakkut 2023-mi Inatsisartunut saqqummiussinerisigut ersersinneqarpoq. Kingusinnerusukkut Naalakkersuisut Inatsisartuni partiit peqatigalugit 2023-mut aningaasanut inatsit atulersinneratigut 1. januar 2023-mit neqimik nioqqusiassanut arlalinnut eqqussinermik akitsuutit atorunnaarsippaat aamma sinerissami qanittumi qaleralinniarnermi pisuussutinit iluanaarutinut akileraarut atorunnaarsillugu.

Inussiarnersumik inuulluaqqusillunga


Naaja H. Nathanielsen